


Bibila Samu ti Bana
kuvwanda na kati ya

Nsilulu yina
Nzambi
salaka na
Abalayami



Yawu sonamaka na: Edward Hughes

Yina basisaka yawu ni: Byron Unger; Lazarus
Alastair Paterson

Yina yidikaka yawu ni: M. Maillot; Tammy S.


Samu na kusamuna yawu:
www.christian-translation.com

Yina mwangisaka nsangu ni: Bible for Children
www.M1914.org

©2025 Bible for Children, Inc.

Muswa: Nge kele na muswa ya kubasisa banongo yayi na
mutindu ya nkaka, kana nge zola to nge zola ve.





Bantangu mingi lutaka
na manima ya mvula ya
nene-nene yina
dyamisaka yinza, bantu
kuzwaka dibanza mosi.



"Beto tunga mbanza, mpe yinzo mosi ya mutela ya yinda yina fwana kukuma tii na dizulu. Na yina, beto ke zinga kitwandi ya mankululu." Bawu nyonso vwandaka nzonza kaka ndinga mosi.



Nzambi zolaka ti bantu kuzinga bisika nyonso na yinza yina yandi yidikaka. Na yina, yandi salaka dyambu mosi ya ngitukulu. Na mpamukunu, makanda ya bantu bandaka na kuzonza bandinga ya mutindu na mutindu. Nzambi pesaka bawu

bandinga ya kuswaswana.




Bayina vwandaka zonza ndinga mosi, kwendaka zinga kintwadi ntama. Kuzaba ve kana bawu vwandaka na boma ya bantu yina vwandaka zonza ve ndinga mosi na bawu.




Ni mutindu yina Nzambi salaka samu ti bantu kufulusa bayinsi nyonso ya yinza. Mbanza yina bawu bikaka na kutunga, ba vwandaka bokila yawu Babele, yina zola kutuba "kuvwanzikisa".



Bamvula mingi lutaka, ya vwandaka na kisika mosi ba vwandaka bokila Kalede, kuna na yinsi ya Ule. Kuna, Nzambi nzonzaka na bakala mosi yina ba ke bokilaka Abalami. Nzambi tumisaka yandi mutindu yayi: "Bika yinsi ya nge, kwenda na yinsi yina mu ke lakisa nge".




Abalami tumamaka. Nzambi fidisaka yandi na yinsi ya Kaana. Kento ya yandi Saala mpe loti mwana nkazi ya yandi, bawu mpe kwendaka na yandi.



Kuna na yinsi ya Kaana, Abalami mpe loti kumaka bamvwama. Bawu vwandaka na bankonga mingi ya bibulu. Matiti vwandaka ve ya mingi, samu na kudikila bibulu nyonso.




Mivungi ya Loti vwandaka swana na
mivungi ya Abalami. Abalami
tubaka mutindu yayi: beto swana
ve, beto fwana kukabuka.
Loti, soola ntoto yina nge zola.



Loti soolaka ya yandi kizunga yina vwandaka na matiti ya maza. Yandi soolaka bambanza mpe babwala. Yawu vwandaka talana mutindu dyambuya ya mbote, kasi bambanza yango vwandaka ya yimbi mingi.





Na manima ya kukwenda yina Loti kwendada, Nzambi zonzaka dyaka na Abalami mutindu yayi: "Mu ke pesa nge ya mankululu ntoto ya kaana. Mu ke pesa yawu mpe na baana ya nge.

Abalami na Salayi vwandaka ve na mwana".





Nzambi fidisaka babakala tatu na
kwenda tala Abalami na Salayi.





Bawu tubaka : "Beno ke buta mwana". Salayi sekaka. Yandi ndimaka ve nsangu yina Nzambi fidisaka. Yandi vwandaka na bamvula makumi yivwa (90).





Nzambi tubaka na Abalami ti ba
ke banda na kubokilaka yandi Abalayami
(Tata ya makanda mingi ya bantu) mpe ti nkumbu
ya Salayi ke kuma Saala (mwana ya ntinu).





Nzambi tubaka dyaka na
Abalami ti yandi ke
mwangisa bambanza ya
mavanga ya yimbi, Sodome
mpe Ngomole. Loti,
mwana-nkazi ya Abalami
vwandaka zinga na
Sodome,



yandi na dikanda
ya yandi.



Loti kwikilaka na
bankebosolo ya
Nzambi, kasi
babakala ya bana ya
yandi ya bakento
mangaka na kubika
mbanza Sodome.
Wapi mutindu ya
dyambu yayi! Bawu
ndimaka ve Dyambu
ya Nzambi.



Kaka Loti na bana ya yandi zole
ya bakento vuukaka. Tiya mpe
mvula ya milaka ya tiya,
kubwaka na bambanza ya
mavanga ya yimbi.



Kyadi samu na kento ya Loti yina tumamaka ve na Nzambi. Ntangu yandi vwandaka kima, yandi talaka na manima, mpe yandi kitukaka kiteki ya mungwa.



Nzambi lungisaka
nsilulu yina yandi
salaka samu na
Abalami mpe
Salayi. Bawu
butaka mwana
na buboba ya
bawu, mutindu
Nzambi tubaka
yawu. Tala
mutindu ya kyese
ntangu Isaaki
butukaka!



Kuzaba ve kana
Abalami banzaka mpe
na nsilulu yina Nzambi
salaka yina yandi
kutubati ti yandi ke
pesa Abalami ntoto
ya Kaana ya

mankululu
mpe

yandi ke
pesa yawu mpe na
bana ya Abalami.



Nzambi lungisaka
mpe nsilulu yayi.
Nzambi ke
lungisaka
bansilulu ya
yandi.



Nsilulu yina Nzambi salaka na Abalayami

Nongo yayi ya nene me katuka na kati ya
mambu ya Nzambi, Bibila

yawu kele ya kusonama na kati ya

Mbandukulu 11-21

"Luzabu ya mambu ya nge ke kyenzolaka, yawu ke
pesaka mayela na bantu yina zaba mingi ve."

Mikunga 119:130



Nsuka



Nongo yayi ya bibila, ya ke na kulakisa ti Nzambi kele mbote, ni yandi yidikaka beto mpe nge fwana kuzaba yandi.

Nzambi zaba ti beto salaka yimbi yina kotisaka beto na kati ya masumu. Difuti ya disumu kele lufwa, kasi Nzambi zola nge mingi, ni yawu yina yandi fidisaka mwana ya yandi kaka mosi, Yesu, yina kwizaka kufwa na kunlunsi samu na masumu ya nge. Yesu vumbukaka na lufwa mpe yandi vutukaka na zulu. Kana nge kwikila na yandi mpe kana nge lombana na yandi mulemvo samu na masumu ya nge, yandi ke lemvokila nge! Yandi ke kwiza zinga na kati ya nge mpe nge ke zinga na yandi ya mankululu.

kana nge kwikila, nge ke kuma ya kuvedila, tuba mutindu yayi na Nzambi: Yesu, mu me kwikila ti nge kele mwana ya Nzambi. Nge kufwaka samu na masumu ya munu mpe nge vumbukaka na lufwa. Kota na luzingu ya munu mpe katula masumu ya munu, na manima, bika ti mu kuma muntu ya malu-malu, mpe ti kubanda bubu yayi, mu vwanda na nge ya mankululu. Sadisa munu samu ti mu kwikila na nge bantangu nyonso, mpe ti mu vwanda mwana ya Nzambi. Amen!

Tangu bibila mpe solola na Nzambi bilumbu nyonso! Yowane 3.16

